
ATASSUT INATSISARTUNI



ATASSUT I INATSISARTUT

ATASSUT

UPA 2016/117

Siverth K. Heilmann

14.04.2016

Timersorneq timigissarnerlu pillugit Inatsisartut inatsisaat nr. xx,xx.xx 2016-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Naalakkersuisut Timersorneq timigissarnerlugu pillugit Inatsisartut inatsisaannik aallaaveqartumik naleqqussaaniarnerat imatut ATASSUT-miit oqaaseqarfingissavarput.

Naalakkersuisut timersornermut tunngasut nukittorsarneqarnissaat, pisortat kattuffiillu akisusaaf-fiisa ersarinnerulersinneqarnissaat, matumanilu timersorneq aqqutigalugu nunarsuarmiunut Nunarput pitsasumik takkorliukkaluttuinnarnerata ilutigisaanik inatsisitigut naleqqussaajuarnissarput ATASSUT-miit isumaqatigeqaарput.

Timersorneq timigissarnerlu aqqutigalugu, inuit peqqissusaannut pitsaalluinnartumik ineriertorto-qarnera, sulilu siunertanut allanut pitsasumik sunniuteqartarmat, maani inimi peqatigiilluta tapersersuinissarput pingaaruteqarluinnarpoq.

Inuppassuit peqatigiiffit tunuliaqutaralugit, inuttut tunniusimaneq akissarsiassarlu eqqarsaati-ginnguarnagu, pinaveersaartitsinermik annertoqisumik timersornerullu siuarsarneqarneranut pisooqataalluinnarput. ATASSUT-miit ataqqillugit periarfissaq manna iluatsillugu qutsavigaagut, sulilu inatsisisapp inerisarneqarnissaanut peqataanissarput neriorsuutigalugu.

Nunatsinni nunanullu allanut angalaniarneq assut akisusinnaasarloq. Kommuunet, suliffeqarfifit, kattuffiit aningasaateqarfifillu aningaasaliisarsimannngikkaluarpata, timersortartugut angusaqaru-sullutik takutitserusuttarnerat qassinimmita maangaannartarsimassagaluarpat. Aap angalanermi aningaasarpassuit atorneqartarput, illuatigulli isumaginninnermut assigisaannullu aningaasartuutit suli annerungaarsinnaanerigalui ilisimalluinnarparput.

Timersummik immikkullarissumik piginnaasamik nallersuunnerulernissamillu siunertaqarlutik qaffassarusunermik kattuffinniik aningaasaliiffigissallugit inassutigineqartut ATASSUT-miit taperser-sorparput kiisalu nakorsaatit pissassaatitut atorneqarsinnaanerinik pitsaaliuiniarneq akiuiniarner-milu suliniuteqarneq ilanngullugu ATASSUT-miit iluarisimaarinninnerput oqaatigerusupparput.

ATASSUT-miit oqaaserpassuit atunngikkaluarlugit, Naalakkersuisut qujaffigeqqikkusuppagut atu-
alersussaniit, atuarfinni, ilinniartoqarfinni, sunngiffimmilu neqeroorutini, suliffeqarfinni kiisalu
peqqinnissakkut isumaginninnermilu tunngasuni siuarsarusussuseqarluartoqarmat.

Taamatullu ATASSUT-miit oqaaseqarluta, suliap aappassaaneerneqannginnermini
ataatsimiitaliami susassaqartumi peqqissaarullugu suliarineqarnissaa inassutigaarpit.

Qujanaq!